



PARLAMENTO NACIONAL DE TIMOR-LESTE
Comissão de Finanças Públicas

RELATORIU FISKALIZASAUN IHA MUNISÍPIU BAUCAU

11 - 12 de Junho de 2019

Sumáriu:

- I. Enkuadramentu Legal
- II. Objetivu
- III. Kompozisaun
- IV. Programa durante vizita
- V. Resultadu vizita
- VI. Konkluzau
- VII. Rekomendasaun
- VIII. Aprovasaun
- IX. Nota Final



PARLAMENTO NACIONAL DE TIMOR-LESTE
Comissão Finanças Públicas

RELATORIU FISKALIZASAUN IHA MUNISÍPIU BAUCAU

I. ENKUADRAMENTU LEGAL

Komisaun das Finansas Publikas Parlamentu Nasional, hala'õ fiskalizasun bazeia ba artº. 92º, 95º, n.º 3 alinea e), kombinadu hó artº. 145.º n.º 3) Constituição da República Democrática de Timor-Leste, no mos bazeia ba artº 35º alínea c), kombinadu ho artº 79º alínea f) Regimento do Parlamento Nacional.

II. OBJETIVU

Bazeia ba artigo hirak nebe refere iha leten, Comissão de Finanças Públicas, wainhira define atividades iha Plano Ação Anual inklui mos vizita ba Municípios ho karakter fiskalizasun atu kontinua akompanha, monitoriza no fiskaliza ezekusaun OGE tinan kotuk (2018) hodi kompara ho ezekusaun tinan korente Iª trimestre 2019. Nune'e iha loron, 11 to'õ 12 fulan junho tinan 2019, Comissão das Finanças Públicas hala'õ vizita ba Município Baucau atu hatene progresu no problema ne'ebe ezekeutivu sira hasoru wainhira implementa programa Governo tuir Plano Ação Anual ne'ebe Governo tinan-tinan apresenta ba Parlamentu Nasional lori husu aprovasaun.

III. KOMPOZISAUN

Membros Komisaun Finanças Públicas ne'ebe vizita Municipiu Baucau kompostu husi Deputados nain sanulu resin ida (11) akompanha husi tekniku nain 2, jornalista TV-TL nain 2 inklui motorista hanesan tuir mai ne'e:

1. Deputada Maria Fernanda Lay : Presidente e Xefe Delegasaun

2. Deputada Rosalina Ximenes	: Vise-presidente
3. Deputado António M. N. Amaral Tilman	: Sekretariu
4. Deputado Silvino Adolfo Moraes	: Membro
5. Deputada Maria Angelica R. da C dos Reis	: Membro
6. Deputada Nélia Soares Menezes	: Membro
7. Deputada Noémia Sequeira	: Membro
8. Deputado Duarte Nunes	: Membro
9. Deputada Maria Angelina Lopes Sarmiento	: Membro
10. Deputado António da Conceção	: Membro
11. Deputado António de Sá Benevides	: Membro
12. Deputada Isabel Maria Barreto F. Ximenes	: Membro (La partisipa sem justifikasaun)
13. Felismina da Conceição Ferreira	: Tekniku
14. Aires Francisco Cabral	: Tekniku

IV. PROGRAMA DURANTE VIZITA

Delegasaun realiza audiensia iha salaun Administrasaun Municípiu Baucau ho entidades hanesan: Sekretariu Munisípiu, membro KDD, Diretores linha Miniteriais, ADN, PNDS, CCI nó Administrador Posto Administrativu sira.

V. REZULTADU VISITA

Audiencia

- **Presidente Comissão das Finanças Públicas;** hata'ó introdusaun kona ba objetivu husi vizita Komisaun Finanças Públicas iha Município Baucau ne'ebe atu hatene kona ba prosesu ezekeusaun OGE 2018 no ezekeusaun 1^a timestre orsamentu 2019, tanba ne'e atu rona informasaun husi administrador munisípiu ho Diretores linha ministeriais sira.
- Enkontru ne'e realiza iha salaun Administrasaun Municípal Baucau, abertura husi Sekretariu Administrador Municípiu. Iha apresentasaun ne'e fo'ó Benvindo ba Prezidente Komisaun Komisaun Finanças Públicas ho membro sira ne'ebe marka prezensa iha Munisipal Baucau. Apresenta mos estrutura Munisipal Baucau ne'ebe maka marka prezensa hanesan Senhores Diretors Regional, Sektoral, Senhor Prezidente Kamara Komersiu e Industria (CCI), Senhores Administradores Postus Administraivu ho Senhores Xefe Suku (membro Komisaun Dezenvolvimentu Munisipal). Iha sorumutu ne'e Senhora Prezidente Komisaun Finanças Públicas hamutuk ho membro sira hodi bele hatene besik liu tan konabá ezekeusaun no servisu hirak ne'ebe Autoridade Munisipal Baucau hato'ó ona. Hanesan Sekretaria Autoridade ne'ebe representa Senhor Prezidente relata asuntu hirak tuir mai:
- Profile Munisipiu Baucau: Postu Administrativu 6, Sukus 59, Aldeia 281 ho total populasaun bazeia ba sensus nasional 2015 iha 123.203 habitantes, total populasaun tuir ficha familiar tinan 2018 hamutuk 137.457 habitantes (M=69.323, F=68.134) no uma kain 29.624.

Tuir Dekretu Lei nú. 3'2016, 16 marsu – Estatutu ba Administrasaun Munisipal, Autoridade Munisipal no Klibur Tekniku Interministeriál ba Dezentralizasaun Administrativa sira, ne'ebe altera ona bá DL nú. 9/2018 ho Diploma Ministerial nú. 48/2016, hodi estabelese estrutura funcional ba Autoridade Munisipal no Administrasaun Munisipal sira iha Munisipiu, ne'ebe asina ona akordu Interorganiku iha loron 01 fulan setembro 2016 entre Ministeriu Administrasaun Estatal ho Ministeriu sira hanesan Edukasaun, Saúde, Água Saneamentu, Ambiente, Obras Públicas, Agrikultura, Jestaun ba Merkadu no Turiemu, Seguransa Alimentar, Jestaun ba Dezastre Naturais, Asaun Sosial no Rejistu sira, Notariadu no Servisu Kadastrais hodi descentraliza ba iha Autoridade Munisipal.

- Forsa traballu iha Autoridade Munisipal Baucau, tuir livru B3 katak funsionariu ne'ebe hala'ó kna'ar iha Munisipal Baucau hamutuk 2.463 (atual 4.535 /M=3.124 nó F=1.411). Husi numeru 4.535 ne'ebe asesu bá Orsamentu Estadu (ho kategoria Salariu Vensimentu, Bens Servisu nó Transferesia Publika)

direta ba iha konta Bankaria Autoridade Munisipal Baucau mak Diresaun hanesan: SAM, SM-Saude, SM-EJD, SM-A, SM-OP, SM-ÀSeA, SM-GMT, SM-RNC nó SM-AS-GDN ne'ebe sai benefisiu direta nu'udar funsionariu publiku hamutuk 358 pessoas, 33 Ajente Administrasaun Publika (SM-A iha 32+1 husi SM-ÀSeA) no funsionariu kontratadus (SAM iha 57 pessoas, SM-Saude iha 9 pessoas, SM-EJD iha 17 pessoas nó SM-A iha 7 pessoas).

Sumaria Jeral Orsamentu 2018-2019 nebé Diresaun 9 hó categoria tolu tuir mai:

Kategoria	Tinan 2018	Tinan 2019	Diferensia	%	Obs
SV	\$ 1,352,881.00	\$ 1,415,919.00	\$ 63,038.00	4,45	Ba funsiomariu 393 kompostu husi 360 nó AAP 33
BS	\$ 1,205,510.00	\$ 1,510,793.00	\$ 305,283.00	20.21	Hodi apoiu servisu Adm. Jeral (95 kazuais)
TP	\$ 881,483.00	\$ 929,145.00	\$ 47,662.00	5.13	Reforsa Adm. Suku hó Subsidiu bá MCS, PAAS hó PME (tuir loron efetivu)
Total	\$ 3, 439,874.00	\$ 3,855,857,00	\$ 415,983.00	10.79	

Ezekusaun OGE iha Autoridade Munisipal Baucau Tinan 2019

Kategoria	Alokasaun Anual	Despesas	Balansu	%
SV	\$ 1,415,919.00	\$ 455,696.90	\$ 960,222.10	32,18
BS	\$ 1,510,793.00	\$ 273,014.29	\$ 1,237,778.71	18.07
TP	\$ 969,145.00	\$ 387,059.25	\$ 542,085.75	41 .66
Total	\$ 3, 855,857.00	\$ 1,115,770,44	\$ 2,740,086.56	28.94

Husi Orsamentu nebé iha leten ne'e mak aloka ba Diresaun mak hanesan tuir mai ne'e:

- **Sekretariadu Autoridade Munisipal Baucau:** Reforsa atividade Administrativu Lideransa Lokal (1,079) membro konselhu suku (M= 730 nó F= 349) hó PAAS 59 (M=45 nó F=14) nebé mak hetan subsidiariu tuir programa separadu husi kategoria orsamentu orsamentu Transferensia Publika.

- **Servisu Munsipal Saúde-Programa servisu Saúde Primaria.** Hodi reforsa atividade Programa SISCa Centro Saúde 8, Postu Saúde 28, SISCa iha 60.

Autoridade Munisipal Baucau iha Hospital Regional 1 (HoREX), Klinika Privadu 3 ho uma turi ahi (partus) iha 5. Servisu programatiku ne'ebe hala'o ona husi Servisu Munisipal Saúde kobertura ba OPD iha tinan 2018 atinji ona 3,12% (persentajen refer liu ona indicadores ne'ebe fo'o husi Ministeriu saúde).

- Servisu Munisipal Edukasaun Juventude no Desportu:
 - Edukasaun Pre-eskolar (nutrisaun infantil, jestaun akreditasaun)
 - Ensinu rekorente (programa nasional alfabetizasaun)
 - Ensinu baziku (merenda eskolar, jestaun akreditasaun), finansiamentu ne'ebe aloka liu husi kategoria Transferensia Publika, aloka ba atividade programa merenda eskolar 22.374 alunos, husi eskola Pre-eskolar, ensinu basiku, publiku no comunidade, mak sai benefisiariu tuir planu prioridade iha tinan 2018.
- Tinan 2019, implementa PME iha fulan maio ho total loron 9 fulan junhu 2019 iha loron 17.
- Servisu Munisipal Agrikultura: hodi apoiu produsaun no hadi'a produtividade, kria operacionaliza produsaun komunitáriu. Asegura ba jestaun programa extensaun agrikola liu husi demplot hare iha suku no operasionais ba iha tekniku sira hamutuk 94 pessoas no mos manutensaun ki'ik ba tratores 20 unidades prevê osan atu hadi'a iha tinan 2019-2023 no unidade 6 hala'o hela operasaun iha terenu.
 - Viveirus komunitariu, kada tinan ida viveirus modo hamutuk rihun 6.000 husi orsamentu ne'ebe aloka ona husi **Bens de Serviço**.
 - Asegura manutensaun, jestaun ekipamentus agrikola no administrasaun jeral.
 - Hato'o mos servisu husi Ministério da Agricultura e Pescas mak hanesan distribui fini, fila rai gratuitu, distribui ikan oan ho vasinasaun animal.
- Servisu Munisipal Obras Publika: Tuir kan'ar ne'ebe Dekreta iha DL nù. 3/2016, artigu 10 alinea (a-k).
 - Estuda, dezenvolve no propoin planu rodoviáriu Munisipal ba membro Governu responsável (area Obras Publikas, Transportes no Komunikasaun) nian atu bele hetan aprovasaun. Investe, conserva no hadi'a estrada Munisipal, estrada urbana no estrada rural sira tuir planu rododviáriu ne'ebe agora vigora hela. Asegura instala no hadi'a rail protesaun besi-rin iha iha estrada ninin sira iha munisipal. Investe, conserva no hadi'a ponte hirak ne'ebe nia naruk to'o metru 10.

Total estrada iha Autoridade Munisipal Baucau hamutuk **474 Km** tuir planu mestri nebé MOP nian. Estrada ne'ebe ho kondisaun diak iha 18%, naton 26.29%, a'at 38.54% no a'at liu 17.1%.

Servisu Obras Publikas Munisipal Baucau hala'o servisu Ministeriu Obras Publikas hanesan simu proposta hodi hato'o ba nasional. Halo monitorizasaun ba iha progresu servisu projetus estradas Minisipal nian ne'ebe realiza iha Minisipiu Baucau husi tinan 2017-2019 husi projetu 7 mak hanesan tuir mai:

- Rehabilitation Road A01. Jct Cairavela-Caicido Baucau Airport Sta. 4+500-10+500 (kompanhia Jova) progressu atinji ona 100%.
 - Reabilitasaun Estrada Jct. A01. Cairavela-Caicido-Baucau airport Roads, Sta. 0+000 To'o+500 (kompanhia Adelaide) progressu fiziku atinji ona 100%.
 - Rehabilitation of Venilale-Fatulia-Uaimori Roads (30.880 Km) Sta. 00+000-10+300 (kompanhia Ruvi) progressu fiziku foin mak atinji 27.52%.
 - Rehabilitation of Roads Uaiaca-Quelicaí Lacudala Sta. 0+000 to'o 5+400 (5.40 Km) Munisipiu Baucau (pacote I), kompanhia Winston hó nia progressu fiziku atinji ona 58.52%.
 - Rehabilitation of Roads Uaiaca-Quelicaí Lacudala Sta. 5+400 to'o 10+800 (5.40 Km) Munisipiu Baucau (pacote II), kompanhia Develop Timor Lda, progressu fiziku atinji ona 14.96%.
 - Rehabilitation of Roads Jct. A01 Triloca-Jct. A06 Fatumaca-Loilubu-A06. Venilale Roads. Roads Section: Sta. 0+000-6+025 (pacote I) husi kompanhia Domin Timor, progressu fiziku foin atinji 19.54%.
 - Rehabilitation of Roads Jct. A01 Triloca-jct A06 Fatumaca-Loilubu-A06. Venilale Roads. Roads Section: Sta. 6+025-12+075 (pacote II) husi kompanhia Gihon, progressu fiziku foin mak atinji 6.15%.
 - Projetu husi ERA Florestal nebé hala'o hela rahabilitasaun bá Estrada iha Postu Administrativu Baguia hó Laga, total 20.636 Km, iha suku 5 mak hanesan Alaua Leten, Alaua Kra'ik, Defauase, Uacala nó Atelari, nebé mak nia progressu fiziku atinji ona entre 35.35-64.91%.
 - Projetu R4D-SP tinan 2015-2017, hó total 51.1 Km, nebé rehabilita estrada hó nia progressu fiziku atinji ona 100%.
- Servisu Munisipal Àgua Saneamentu no Ambiente: Utiliza orsamentu husi kategoria Bens de Serviços ba iha atividade hanesan grupu hamutuk 30 atu Maneiza Facilidade (GMF) ne'ebe rejista hamutuk 1.776 kliente ne'ebe hetan dada ligasaun sistema be'e mos ba kada uma kain.
 - Servisu Munisipal Jestaun Merkadu no Turismo: Promove konstrusaun, konsersasaun, reparasaun no jestaun ba merkadu Munisipal.
 - Servisu Munisipal Rejistu Notariadu no Kadastru:
 - Rejistu Sivil (rejistu sertidaun nasimentu, kazamentu no rejistu Partidu Politika).
 - Rejistu Notariadu (rejistu arte marciais).
 - Cadastro (identifikasaun, Notifikasaun no Mediasaun).
 - Servisu Munisipal Asaun Sosial no Jestaun Dezastre: Asesmentu no verifikasaun dados ba dezastre hamutuk

115 uma kain, fornese kaisaun bá família kbi'it la'ek hamutuk 63 unidades iha tinan 2018.

Projetus estradas husi PNDS:

Tinan 2014:

Hala'o faze I siklu I iha Postu Administrativu Laga hó Quelicai, total suku ne'ebe sai beneficiariu hamutuk 7.

Tinan 2015: hala'o rehabilitasaun no konstrusaun estrada hanesan tuir mai:

- Faze II siklu I rehabilitasaun estrada iha aldeia Sorulai-Samalari Postu Administrativu Baucau.
- Faze II siklu II rehabilitasaun no konstrusaun estradas iha Postu Administrativu Baguia, Vemasse no Venilale. Total suku ne'ebe sai beneficiariu hamutuk 12.

Tinan 2016 hala'o rehabilitasaun no konstrusaun estrada hanesan tuir mai:

- Faze I ho siklu II rehabilita no konstrusaun estrada iha Postu Administrativu Laga ho Quelicai, suku ne'ebe sai beneficiariu hamutuk 15.
- Faze II siklu II rehabilita estrada iha Postu Administrativu Baucau, suku ne'ebe sai beneficiariu hamutuk 3 (Caibada, Samalari no Uailili).

Projetu PDIM tinan 2016:

Total orsamentu: \$ 5.834.128,67 hodi sustenta ba projetus hamutuk 41 hodi halo dezentvolvimentu hanesan tuir mai:

- Projetu Be'e mos iha Araubaudae-Qelicai mak paradu hela ho nia progresu fiziku foin atinji 58.50%, abandonadu husi kompanhia Renani Unip Lda, iha fulan marsu 2017. Iha tinan 2018 membru Komisaun Dezentvolvimentu Munisipal hasai ona Desizaun hodi fo'o sansaun ba kompanhia hodi hapara no labele kontinua ona projetu refere no sei la hetan projetu sira tuir mai durante tinan 5 nia laran.
- Projetu Be'e mos iha suku Samalari-Baguia entrega ona iha fulan dezembru 2018, agora iha ona prosesu pagamentu nia laran.

Autoridade Munisipal Baucau, hala'o atendimentu publiku liu husi sorumutu mak hanesan:

- Sorumutu Konsehu Koordensaun Munisipal. Sorumutu entre sosiedade sivil, Sorumutu seguransa kada trimestre no nesesaria hodi partila konabá servisu atendimentu ho seguransa nian.
- Sorumutu Konsehu Konsultivu Munisipal kada fulan 6 hodi relata konaba atividade ne'ebe hala'o tiha ona, hato'o proposta ruma hodi hetan apresiasaun.

Dezafius ne'ebe enfrenta:

- Menus Rekursus Humanus, tambá estrutura la prienshe no difikulta ezekusaun.
- Fundus ba programa merenda eskolar aloka iha OGE, ne'ebe difikulta ba ezekusaun (Q1 kada tinan sempre la ezekuta).
- Programa merenda eskolar bazeia ba numeru alunus ho loron efetivus tuir kalendariu escolar, maibe sistema regra exekusaun husi MdF aplika deit 25%.
- Sistema Free Balance/GRB la'ó ladun diak difikulta exekusaun.
- Kapasidade Internet ne'ebe eziste nia speed ki'ik liu no difikulta prosesu pagamentu ba ezekusaun (husu atu aumenta kapasidade speed internet).
- Menus facilidades servisu, tamba item Capital Menor sei sentraliza.
- Laiha orsamentu ba Capital Dezenvolvimentu **hodi** responde ba preokupasóes komunidades sira nian.

Preokupasóes sira nebe senhores Deputados sira apresenta durante audiência mak hanesan:

- Tinan 2018 – 2019 tuir informasaun dadus Livro 3B OGE 2019 (nebé iha Munisipiu Baucau hetan alokasaun orsamentu tinan 2018 hamutuk tokon \$ 3.4 no sae iha tinan 2019 hamutuk tokon \$ 3.9) senhora sekretaria Autoridade Munisipal la esplika hodi halo saída?
- Oinsa implementasaun sistema Free Balance, dala ruma falha tambá rekursus humanus ho mos internet?
- Sistema implementasaun merenda eskolar ne'ebe la'ó ladiak hanesan fatin prepara hahan ba alunos adekuaudu ka la'e no fundus sempre atraza ba implementasaun merenda escolar? Hanesan Autoridade lokal bele hatene ona problema saída mak akontese hanesan oinsa aloka osan ba eskola hira?
- PNDS: susesu husi tinan 2014-2016, oinsa programa implementasaun programa PNDS iha futuru, presiza monitorizasaun regular para bele garante sustentabilidade bá komunidadade sira. Iha ezekusaun projetus kustu ba Be'e Mos ba 59 suku hetan ona benefisiu ka la'e?
- Agrikultura: atu hasa'e produsaun lokal iha Baucau, hakarak hatene ezekusaun orsamentu tinan 2018-2019 iha mudansa ka la'e? Implementasaun projetu irigasaun, tuir ami nia observasaun iha dupla funsaun ho Obras Publikas, ne'e duni presiza iha linha koordenasaun nebé diak.
- Iha parte seluk hakarak hatene area eletrisidade tuir informasaun dehan komunidadade balun seidak hetan asesu.
- Saúde: informasaun husi komunidadade Suku Samalari hateten sistema atendimentu ladi'ak, tamba iha sentru saúde maibe Mediku halo tratamentu kada semana dala rua (2) deit ho uma ba Doutor mos abandonadu hela.
- Obras Publikas: hakarak hatene hetan akompanhamentu ka la'e, ba implementasaun projetus iha Munisipiu Baucau?
- Parseiru Dezenvolvimentu: semak kontrola implementasaun projeus sira ne'e?

Informasaun relasiona ho preokupasaun senhores Deputados sira nian:

- Autoridade Munisipal iha tinan 2019 hetan komprimisu apoiu parseru dezenvolvimentu hamutuk tokon \$ 4.1 hodi implementa atividades 16. Exekusaun orsamentu ba implementasaun projetus 16, hanesan Autoridade sempre halo akompanhamentu. Munisipiu Baucau iha tinan 2019 hetan projetu 2 deit.
- Konaba sistema Free Balance, internet nia loading mak kleur.
- Centro solidariedade, nia kna'er hodi halo asaun sosial no mos asaun jestaun dezastre ho funsionariu 1 deit mak halo funsaun hanesan atendimentu ba publiku no hanesan mos kondutor ba kareta funeral 2.
- Programa merenda eskolar, tuir prosesu iha eskola publiku osan transfere ba konta bancaria eskola sira nian.
- Peti Cash, hodi apoio servisu emerjensia (hanesan hadia kareta, sosa roda, troka olio) no aloka mos \$500,00 kada tinan ba Postu Admnsitativu hamutuk 6. Programa merenda eskolar prevê iha Bens Servisu ba eskola publiku, liu husi transferensia publika. Difikuldade ne'ebe infrenta tamba Minsiteriu Edukasaun hapara kontratu ba funsionariu kontratadu, inklui mos pessoal ne'ebe kaer programa ne'e iha Munisipiu Baucau. Qualidade merenda eskolar iha grupo inspektores hodi halo fiskalizaun kada loraun tuir programa Ministeriu Edukasaun ka la'e. Kondisões eskola ne'ebe a'at inklui facilidades tama iha ona planu atu implementa ba tinan 2019-2020.
- Destakamentu pessoal mediku ho parteira tuir sira nia suku rasik, ne'e duni sira hela iha sira nia uma rasik. Kestaun ne'ebe dehan atendimentu dala 2 deit iha semana 1 nia laran husi mediku ho parteira iha suku Samalari, razaun mota mak fahe tiha suku, ne'e duni atendimentu mós fahe ba semana 1 dala 2 deit (atendimentu dala 2 iha suku 1, depois loraun 2 iha mota sorin fali). Konaba mediku nia hela fatin falta facilidades hanesan eletricidade nó be'e mos no iha ona planu atu halo ligasaun.
- Agrikultura, iha tratores hamutuk unidades 31 mak destaka iha Baucau (8 mak halo hela operasaun, 18 halo hela manutensaun, 5 atu halo leilaun). Total produsaun iha tinan 2018 hamutuk 20.196 toneladas iha rejiaun leste no iha Baucau, produsaun 10.686 ton kada tinan. Dezafius: husi tinan 2009-2010 Diresaun Agrikultura regional iha eskavator 3, tronton 2 no hetan apoiu husi Nasaun China eskavator 1, maibe kondisaun tuan hotu ona. Agora iha ona MOU entre Minsiteriu Agrikultura ho Ministeriu Obras Publikas konaba atendimentu ba desastre naturais ruma ne'ebe akontese. Ikus liu, hein katak senhores Deputados sira iha debate orsamentu 2020, bele apoiu proposta ne'ebe mak Governo sei apresenta ba Parlamentu Nasional liu-liu programa husi Agrikultura rejiaun leste (Baucau, Viqueque, Lospalos). Ezekusaun orsamentu ba manutensaun sei sentraliza

iha Ministeriu Agrikultura no Peska. Munisipiu Baucau iha 14 mil area potencial, presiza mak mobilizasaun ne'ebe bo'ot. Kada tinan produsaun menus tamba comunidade oituan deit mak halo natar. Difikuldades ida mos maka atrazu iha prosesu sosa fini.

- Area eletricidade, iha 56 aldeia mak seidauk hetan asesu ba enerjia eletricidade.
- Projetos nebe finansia hosi Parseiru Dezenvolvimentu, sempre iha enkontru kada fulan tolu, tamba parseiru mak tulun Governo hodi halo dezenvolvimentu iha áreas espesifico balun.
- PNDS nia funsaun mak fasilita no akompanha deit ezekusaun projetus. Iha tinan 2013-2017, PNDS hare liu bá iha operasaun no manutensaun Be'e Mos hamutuk iha 37 (bomba Be'e 11 nó gravitasaun 26). Orsamentu tinan 2018 hetan alokasaun hamutuk tokon \$ 25,416.27, husi total orsamentu refere nia ezekusaun 100% no kustu operacional ba Postu Administrativu Baucau Vila hamutuk suku 11 sei utiliza hodi prepara planeamento atividades iha tinan 2019. Tinan 2019 hetan alokasaun hamutuk \$ 9.6 Milhões husi kategoria Transfersia Publika Ministerio Administração Estatal ba suporta dezenvolvimentu no mos suporta programa jestaun lixo iha area urbana. Programa PNDS ba Autoridade Munisipal iha Orsamentu Jeral Estadu tinan 2019 hetan alokasaun hamutuk tokon \$ **1,278,528**. Husi total ne'e aloka kustu operacional hamutuk \$ 303,365 hodi halo preparativu atividades ba suku 59 no aloka ba infraestruturas hamutuk \$ 975,163 suku 24. Kustu operacional iha tinan 2019 para halo desenho no BOQ ba suku hamutuk 25.
Ajudus de custo: uluk iha orsamentu \$40-\$50 ba tekniku sira hodi halo servisu husi Postu ba iha Suku, maibe iha mudansa husi nasional mak to'õ agora la hetan ajudus ruma. Transporte mos sai obstaklu, laiha transporte hodi halo servisu tamba durante ne'e uza deit transporte (motor) privadu mak hodi halo servisu.
- Obras Publikas, ezekusaun orsamentu ba estrada municipal hamutuk 91 Km, estrada rural hamutuk 474 Km, estrada urbana hamutuk 53 Km. Ekipamentus pezadus: atu halo atendimento publiku ba dezastre naturais ne'ebe akontese iha tempu emergjensia difisil atu hetan ajudus liu husi koordinasaun hamutuk ho Instituto de Gestão e Equipamentos (IGE), tinan oin iha ona planu atu sosa ekipamentus pezadus. Reseitas: durante ne'e kompanha lokal sira komesa selu ona taxa. Parseiru dezenvolvimentu: husi tinan 2016-2019, ILO/R4D rehabilita estradas 51 Km ho montante orsamentu \$ 2.4 Milhões. Rehabilitasaun Estradas: presiza iha continuidade rehabilitasaun ligasaun estradas rural ho urbana.
- CCI Munisipiu nia komentariu katak emperezariu sira sempre sai vítima komesa husi prepera dokumentus, halo projetu to'õ finaliza projetus, maibe sei kooperera (kontribui) nafatin ho Autoridade Munisipal.
- Ezijensia husi Administradores postu sira, rekomenda ba Deputados sira atu halo lei ruma konaba proteje

rekursu naturais, se la'e comunidade sira halo reklamasaun Be'e matan ne'ebe atu implementa projetu kanalizasaun. Konaba eletrisidade iha Postu Administrativu Baguia, husi tinan 2012-1019 iha suku 10, aldeia 15 mak seidauk hetan asesu. Subsidiu ba konselhu Sukus: kada tinan simu subsidiu \$ 90,00 deit, husu para iha futuru atu hadia. Obstaklu: motorizadas ne'ebe distribui ba iha Postu Administrativu, nia kondisaun a'at hotu ona, ne'e duni difikulta hodi halo servisu atendimentu ba comunidade sira.

- Representante Xefe Suku sira, preokupa ho situasaun ne'ebe infrenta husi delegado/delegada sira liu-liu konaba subsidiu hetan iha senha prezensa kada fulan 6. Tamba saida mak ezekusaun ne'e to'o fulan 6 mak foin simu. Sujestaun, tamba iha projetu 2 kompanhia simu tiha ona osan adiantamentu, ikus mai sai problema kuaze tinan 1 ona, ikus mai kazu ne'e lori bá Tribunal, maibe laiha akuzasaun ruma. Insentivu ho transportes ne'ebe atu ajuda Autoridades lokal sira hodi halo atendimentu diak liu ba comunidades sira. Rekomenda para atu hanoin didi'ak programa PNDS, presiza atu konsidera no iha continuidade hodi aloka orsamentu kada tinan ba dezvoltimentu iha sukus.



Imajen enkontru iha salaun Autoridade Munsipal Baucau



Imajen enkontru ho Kompanhia CBMI Const. Co Ltd/Shongqing Road Engeering (Group) Co (Joint Venture)

Konstrusaun Estrada Ligasaun Baucau-Lospalos

Programas Emprestito

Kompanhia	: CBMI Const. Co Ltd/Shongqing Road Engeering (Group) Co (Joint Venture)
Valor kontrato	: \$ 29,315,346.10
Progresu fiziku	: 31.22%
Total Pag. Anterior (2017)	: -
Total Pag. 2018	: \$ 1,344,258
Total Pag. 2019	: \$ 574,269
Total Pag. Komulativu to'o agora:	\$ 1,918,526
Persentajen Pagamentu to'o agora:	6.54%
Balansu Kontratu	:\$ 27,396.829



Imajen kondisaun Estrada Baucau-Lautem

Observasaun:

- Informasaun ne'ebe hetan iha terenu katak atrazu iha indeminizasaun rai komunidadade sira nian.
- Tuir esplikasaun husi tekniku kompanhia nian katak, kompanhia hetan atrazu iha pagamento tamba PMU la assina pedido pagamento tuir progresso iha terreno.

VI. KONKLUSAUN

Iha vizita fiskalizasaun ne'e Komisaun hasai kahnluzaun hanesan turi mai:

1. Menus Rekursus Humanus, tamba estrutura la prienxe no difikulta iha ezekusaun
2. Kapital Menor nó Dezenvolvimentu konsentra iha Nasional, hodi difikulta atendimentu publiku ba nezesidades urjente komunidadades sira nian kuandu akontese dezastre naturais no rehabilita irigasaun.
3. Programa merenda eskolar nebe aloka iha rubrica transferências públicas iha OGE, ne'ebe difikulta ba ezekusaun (Q1 kada tinan sempre la ezekuta).Nune mos bazeia ba numeru alunos ho loron efetivus tuir kalendariu eskolar, maibe sistema regra ezekusaun husi MdF aplika deit 25%.

4. Sistema Free Balance la' o ladun diak hodi difikulta ezekusaun. Kapasidade Internet ne' ebe eziste nia speed ki' ik liu no difikulta prosesu pagamentu.
5. EDTL, iha 56 aldeia mak seidauk hetan asesu enerjia eletrididade.
6. Ministério Soliedariedade Social (MSS) atu aumenta rekursu iha Serviço Municipal de Ação Social e Gestão de Desatre Naturais, tamba durante né iha kareta funeral 2 ho funsionariu 1 deit sai difikuldade halo serviso atendimentu publiku.
7. Diresaun Agrikultura Rejional, Sistema Aprovizionamentu: tenderizasaun sempre atrazu hodi hola fini. Tratores: total iha 31 tratores unidade mak destaka iha Munisipiu Baucau, 8 unidades mak funsiona hela hodi halo atendimentu fila rai gratuitu comunidade sira nian (18 unidades iha hele prosesu manutensaun nó 2 unidades pepara bá leilaun). Durante ne' e iha eskavator 3 unidades, tronton unidade 2 no apoiu husi Nasaun China 1, maibe husi tinan 2009-2019 kondisaun tuan hotu ona. Durante ne' e manutensaun sei centraliza hela iha nasional. Laiha subsidu operacional ba funsionariu extensionista sira hodi halo atendimentu ba comunidade sira.
8. PNDS, orsamentu tinan 2019 hodi halo desenho ho BOQ ba projetus 27 ba suku beneficiarios 25.
9. Representante Administrador Postu Adminsitrativu hato katak motorizadas sira ne' ebe mak distribui hodi halo atendimentu publiku a' at hotu ona.
10. Laiha incentivo no transporte hodi fo atendimento ba população.

VII. REKOMENDASAUN

Komisaun Finansas Publikas, hato' o rekomendasaun hanesan tuir mai:

1. Ministério da Administração Estatal, klarifika situasaun ne' ebe mak Autoridade Municipal Baucau infrenta liu-liu Capital Menor no Desenvolvementu hodi halo atendimentu publiku ho efikas no efesiente.
 - Husu para tau atensaun ba preokupasões Administradores do Postu Adminsitrativu, konabá motorizadas ne' ebe mak distribui hodi halo atendimentu publiku.
 - Kontinuasaun apoiu ba implementasaun programa ho atividades Deskonsentrasaun Administrativa.
 - Kontinuasaun apoiu insentivus no subsidius ba lideransa komunitariu.

- Reforsa nafatin servisu Saneamnetu ho limpeza iha kapital Munisipal.
 - Mateim apoiu programa jeneru iha Autoridade Munisipal Baucau, kapasitasaun ba grupo feto potencial Baucau.
 - Kontinuasaun dezenvolve programa kosnstrusaun, rehabilitasaun nó mantein jere estradas liu-liu iha ares rurais ho urbanas (PNDS).
 - Halo rekrutamentu bá funsionariu para kompleta estrutura iha Autoridade Munisipal.
2. Ministério da Educação e Desporto, reforsa programa merenda eskolar, fo' o espasu ba ezekusaun merenda eskolar, kabe ba kalenderizasaun eskolar husi Ministeriu Edukasaun aplika sistema regra ne' ebe justu para labele prejudika fali alunos sira.
 3. Ministério das Finanças no Ministério dos Transportes e Telecomunicação, atu rezolve iha implementasaun sistema Free Balance tamba internet nia loading ladun diak hodi nune bele permite processo aprovisionamento ba bens no servisos, capital menor no desenvolvimento/PDIM.
 4. Ministério das Finanças, atu kontinua halo kapasitasaun ba Autoridade Munisipal bá area espesifiku (Free Balance) no kontinua fo' o assistensia teknika (Planeamentu Orsamentu, Pagamentu, Akontabilidade no Aprovizionamentu) ba Autoridade Munisipal.
 5. Ministério Soliedariedade Social (MSS) atu aumenta funsionario iha Serviço Munisipal de Ação Social e Gestão de Desatre Naturais hodi fo atendimentu publiku diak liu.
 6. Ministerio Obras Publikas, atu kontinuasaun ba Planu peskiza dezenho estradas kontrola de cheio no kontrola ba qualidade de obras (Fiskalizasun, Monitorizasaun nó Supervizaun). Inclui resolve aldeia 56 nebe seidauk iha acesso ba energia elétrica.
 7. Comissão recomenda ba Deputados ne' ebe hola parte iha fiscalização Comissão nia tenke partisipa tuir regimento haruka.

VII. APROVADA

Relatório ne'e hetan aprovação iha sala Comissão das Finanças Públicas, iha loran 23 fulan janeiro tinan 2019, ho votus á favor 7, kontra 0 no abstenção 0.

Relatora

Deputada Nélia Soares Menezes

Presidente da Comissão das Finanças Públicas

Deputada Maria Fenanda Lay

